



憲法志料四篇

農工商

卷五

庫文省法司			
		和	書
		政	及
		治	法
		一	律
		九	
		八	
		三	
三	七		
冊	架	函	號
			部
			門

73
邊
669
26



門 禮
號 669
卷 26

憲法志料四篇卷五目錄

中古之五


農工商之六

一 鑄錢司ノ返抄ヲ以テ稅帳ノ採銅料ノ物數ヲ勘會スベキ事

二 程限ヲ立テ、返抄ヲ受ザル貢調ノ郡司ヲ解任セシムベキ事

三 後司ヲシテ前司任終ノ年ノ調庸雜物ノ未進ヲ辨濟セシムベキ事

四 諸司諸家ノ徵物使ノ調網ノ郡司雜掌ヲ寬勘スルヲ禁止



憲法志料 四篇卷五 目錄 司 去 省

スベキ事

⑤ 諸院諸宮諸家ノ使國司ヲ經ズシテ部内ニ闌入スルヲ禁制スベキ事

⑥ 京職ニ準ジテ計帳手實ヲ進ル日調物ヲ貢セザル百姓ノ戸田ヲ没シテ國寫田ト爲スベキ事

⑦ 開用ル不動穀ノ遺ヲ動用ニ加ヘズ後年委填セシムベキ事○年中ノ出舉雜用ノ遺稻并ニ前司分付ノ古稻ヲ糶ニセシムベキ事

⑧ 諸國ノ綱領領スル所ノ官物ヲ姦犯スルヲ禁斷スベキ事

⑨ 京戸ノ子弟外國ニ居住スルヲ禁制スベキ事

⑩ 外國ノ百姓姦リテ京戸ニ入ルヲ禁制スベキ事

⑪ 當年ノ徭十日ヲ復スベキ事

⑫ 公私ノ江河池沼等ヲ點領スルヲ禁止スベキ事

⑬ 免得六余内更ニ半分ヲ減ズベキ去年ノ田租ノ事

⑭ 諸國調庸未進ノ徵率ノ分法ヲ定ムベキ事

⑮ 重テ陸奥出羽ノ逋逃王臣ノ家ニ仕ヘ及ビ京畿ニ流寓スル者ヲ本郷ニ還ス

⑯ 諸國擬任ノ郡司他色ニ遷拜スルヲ停止スベキ事

⑰ 耕田ノ數ニ準ジテ正稅ヲ班舉シ并ニ對捍ノ輩アラバ即其罪ヲ科スベキ事

- ① 同ノ神戸官戸ノ課丁ヲ率スベキ事
- ② 諸院諸官諸司諸家ノ使等強テ往還ノ船車人馬ヲ雇フヲ禁止スベキ事
- ③ 雜米ノ未進ニ依テ國郡司ヲ斷罪シ國司ノ解由ヲ返スベキ事
- ④ 正稅帳ヲ勘ヘザル諸國司ヲ科責スベキ事
- ⑤ 正稅帳ヲ勘ヘザル諸國司ヲ科責スベキ事
- ⑥ 未ダ解由ヲ得サル人犯ス所ノ本罪ヲ斷スベキ事
- ⑦ 諸國ノ百姓王臣ノ家人ト稱シテ部内ヲ騷擾スルヲ禁斷スベキ事

- ⑧ 王臣ノ家私物ヲ出舉スルヲ禁斷スベキ事
- ⑨ 諸國交替ニ所在ノ見物ハ先正稅ヲ填テ後雜稻ヲ取ルベキ事
- ⑩ 郡司百姓ノ私物ヲ假ニ官家ノ物ト稱スルヲ禁斷シ并ニ正稅ヲ受ズ田租ヲ輸サマルノ輩ヲ科責スベキ事
- ⑪ 五位以上ノ前司本ノ任國ニ留任シ并ニ輒ク畿外ニ出ルヲ禁ズベキ事
- ⑫ 五位以上及ビ孫王ノ輒ク畿内ニ出ルヲ禁止スベキ事
- ⑬ 先ツ門文ヲ進リ調庸并ニ例進ノ雜官物ヲ檢納セシムベキ事

④ 便ニ周防ノ國ノ田租ノ穀ヲ割テ鑄錢料ノ雜物ノ直ニ充ツベキ事

⑤ 諸院諸宮王臣ノ家百姓ニ相代テ田宅資財ヲ争訟スルヲ禁斷スベキ事

⑥ 五位已上ノ私ニ田ヲ營ムヲ禁止スベキ事

⑦ 判給シテ荒田并ニ閑地ヲ占ルノ例ヲ改定スベキ事

⑧ 諸寺材ヲ採ル山ノ四至ト稱シ切ニ居住ノ百姓ヲ勘ルヲ停止スベキ事

⑨ 鴨河ノ堤邊東西ノ水陸田廿二町百九十五歩ヲ耕作スルヲ許スベキ事

⑩ 調庸ノ惣返抄ヲ受ザル國司ノ解由ヲ勘却スベキ事

⑪ 舊ニ依テ遷替ノ吏交替欠ノ差分ヲ填ルニ隨テ解由ヲ放ツベキ事

⑫ 任終ノ年ノ調庸未徴ノ前司ヲ科責スベキ事

⑬ 四度ノ公文使期ニ違テ上道セザルハ所司ノ勘申ヲ待ズ見任ヲ解却スベキ事

⑭ 諸國任用ノ吏ノ解由ヲ拘放スル例ヲ立ツベキ事

⑮ 後司ヲシテ辨濟セシムル前司ノ時ノ雜急條例ヲ立ツベキ事

⑯ 不動倉ヲ開見スベキ事

⑤ 桑漆ヲ催殖スベキ事

⑥ 先ツ當任ノ公文ヲ勘ヘ次ニ前司ノ時ノ帳ヲ勘ヘ并ニ四度ノ公文ヲ勘ヘザル府司及ビ管内國嶋ノ司ヲ科責スベキ事

⑦ 逃人ヲ搜括シテ本郷ニ還向セシムベキ事

⑧ 任終ノ年ノ雜米ノ捻返抄ハ後司ヲシテ辨請セシムベキ事

憲法志料 四篇卷五



司法少書記官木村正辭原稿
司法五等屬櫻井友二郎纂輯

中古之五

農工商之六

① 宇多天皇寬平元年十月廿一日太政官符

應以鑄錢司返抄勘會稅帳採銅料物數事

右得採備中國銅使前權介弓削秋佐解狀俾檢案内前司之時以在民身租穀便充行採銅料徵納之間拘留民間一本拘不得全收而國偏依出符立用稅帳使雖陳牒

事由國曾不承引望請令鑄錢司返抄勘會稅帳立用者
案去仁和四年六月廿三日符傳得彼國解傳令採銅所
例至于請用役夫料物先注所採半熟銅數一本半送國
加實檢然後充行料物而採銅使秋佐牒傳不被實檢銅
數早速被行料物者因茲國與使執論牒狀再三往復徒
為言煩還擁公事仍今所申者役夫料物依先例實檢之
後充行為當依使牒不更勘知充行乎謹請官裁者右大
臣源宜宜多準先例勘知所採銅數然後令行料物者今大
納言正三位兼行左近衛大將太皇太后官大夫藤原朝
臣良世宣奉勅若依稅帳一本若下不會返抄恐採銅之

事勤惰難知若依返抄勘出稅帳亦恐行物之國還煩勘
出今須役夫料物者依前符行之稅帳立用者依返抄勘
之長門豐前亦宜準此類聚三代格

同二年六月十九日太政官符

應立程限解任不受返抄貢調郡司事

右得讚岐國解傳謹案交替式傳牧宰之輩就使入京或
無返抄猶歸任所或稱身病益日都下自今以後若有此
類國司奪料郡司解任所積未進一令盡進者然則調綱
郡司無返抄者解任之科往年已立又太政官去仁和四
年七月廿三日符傳國司進解由之日若有任中調庸雜

憲法志 卷五
物未進者返却解由令慎將來者爰知國司有調庸未進者拘留之責新制重存凡調庸雜物者國宰任色徵備郡司依數受取非有奸犯無可欠失今朝章已為國司特施新符國司何於郡領專忘舊制但前式直稱解任不立程限若不迫廻政事要略恐涉苛酷望請調綱所領調庸雜物至于申參之月政事要略一物以上不進去年返抄者依式解任都不寬宥擬任郡司無職之徒隨未進數計賦科罪其未進者並備償如常即解任之由科罪之法同附朝集使言上謹請官裁者左大臣源宣奉勅依請諸國準此類聚三代格

③同年九月十五日太政官符
應令後司辨濟前司任終年調庸雜物未進事
右太政官去仁和四年七月廿三日下五畿内七道諸國符俛得太宰大貳從四位上藤原朝臣保則解狀俛國司進解由之日若有任中調庸雜物未進者返却解由令慎將來者左大臣源宣奉勅依請者今被同宣俛奉勅格出之後順法者少加以諸國司等申請稠疊斯即緣時俗彫弊人民難任也為政之道事尚寬賒施令之本宜在必濟今須任終調庸未進政事要略終令後任吏辨濟雖未取返抄而莫致物累但據式貢調使者物之與帳領入京一本

憲法志 卷五 寬平 三 司 法 省

領上有不得先後零疊然則雖辨濟未進寔在後司而催發調物事屬當時若寄事後人專闕乃貢者加其科責如大同格類聚三

④同三年五月廿九日太政官符

應禁止諸司諸家徵物使寬勘調綱郡司雜掌事右得丹波伊豫土佐等國解俛調庸雜物貢進立限若違其期罪有恒法而今件徵物使等多集黨類候郡司雜掌入京之日各競寬勘先號前分責取官物次稱土毛掠奪私糧縱不叶其求遂加凌轢爰郡司為免身辱偏忘公損或折納官內徒充賂遺之贈或取封戶物還致本家之費

又雜掌所職專在公文不預雜物而郡司未致之間勘責如前公糧竭於酒食旅資盡於芑苴因茲不濟預事並以逃歸調物難濟公文擁滯職此之由於是國司常被絆解由郡司亦不免決罰不加禁止何弭苛酷望請官裁被停件使將令貢調使并郡司務進納之事然則納官封家無未進之弊國宰郡司免罪責之科者左大臣源宣奉勅依請若有背符旨強遮之輩捕身言上殊處重科宜令有司亦加糾彈諸國準此類聚三代格

⑤同年六月十七日太政官符
應禁制諸院諸官諸家使不經國司闌入部內事

右得近江國解備謹檢案内前司時調庸未進準租稅可
 徵率之狀格制已明而今前件使等不由國司闌入部內
 凌轢百姓略奪田宅妨取調庸非啻勘責正物兼復倍徵
 賄賂調物難濟大底緣此望請官裁諸院諸官諸家調庸
 若有未進者先牒國司將令辨進非有國符不聽入部然
 則官物易濟百姓安堵謹請官裁者右大臣藤原良世宣依請
 諸國準此類聚三代格

⑥ 同年七月二日太政官符

應準京職進計帳手實日没不貢調物百姓戶田為國
 寫田事

右得河內國解備檢案内此國調錢未進經年猥積是則
 百姓謠詬不遵憲法之所致也謹案戶令云造計帳每年
 六月卅日以前京國官司責所部手實者於是左右京職
 準據是法進手實日令貢調錢至不進戶必没戶田號為
 職寫以充公用而國例計帳之日不進手實無備調物只
 使郡書生勘造計帳至于勘會多有紕繆輸貢調物已致
 違期望請行計帳務之日且令進手實且令貢調物若不
 進者没彼戶田為國寫田然則輸貢叶期國吏免累謹請
 官裁者右大臣藤原良世宣奉勅依請四畿亦同一本畿下有內字○類聚三代格

⑦同年八月三日太政官符

一應令開用不動穀遺不加動用後年委填事

右得民部省解備主稅寮解備不動穀者遠年之儲非常之備尋常之時不可輒用而或國稱不足例年雜用申請件穀指倉開用假令可用千斛之穀猶開萬斛之倉遺九千斛皆為動用元來為例所司無責不動減少職此之由式云穀未下盡不得除耗然則迄下盡日可謂不動而多許之遺更為動用求之政途頗乖公平望請自今以後開用倉遺猶為不動其所用之穀後年必令委填又開用不動事須先盡遠年而或國寄言納倉

破損申開近年不動須修理其倉如舊委納而開用之後秩限已滿不加修理亦無委填遂使新穀之資好充用途九年之貯一時永絕推之物情亦乖理途重望殊施嚴制一切禁制者省依解狀謹請官裁者右大臣原藤良宜奉勅依請但開用遺穀率於本數不足五分之一不可更勞委填不得偏恃此事每倉置遺若不遵行返却稅帳

一應令糴年中出舉雜用遺稻并前司分付古稻事

右同前解備同寮解備謹檢格條年中出舉雜用之外不遺束把皆咸為糴而今諸國殘稻不務糴成違乖格

旨古稻猶多凡類與穀資用不同國家之貯穀是為要
所司須返帳不勘而案式年中出舉雜用殘稻不糙之
類並顯勘出不須返帳者因茲年年雖顯勘出國司曾
無改悛此則於帳無煩於吏無責之所致也望請殊科
責令慎將來者省依解狀謹請官裁者同宣奉勅依請
仍須當任雜用殘稻不論多少隨年糙納又前司分付
古稻後司相承立率為糙其率法者作十分論每年糙
一分但不論土浪隨營田數令糙其穀即委納不動若
不遵行同返稅帳

以前條事如右宜依件行之

類聚三
代格

⑧ 同年九月十一日太政官符

應禁斷諸國綱領奸犯所領官物事

右左大臣

源融

宣奉勅監臨犯物罪科非輕事明法條人亦

忌憚如聞比年諸國綱領各為奸犯或贖勞出身空歸國
郡或買宅定居便留京都其所充用皆是官物國用之乏
職此之由宜下知諸國嚴加檢察若有斯類捉身言上處
之重科斷彼奸徒

類聚三
代格

⑨ 同年同月同日太政官符

應禁制京戶子弟居住外國事

右齊衡二年六月廿五日格傳延曆十六年四月廿九日

下太宰府符傳從二位行大納言神王宣奉勅括責浮宕
 先已下知今聞秩滿解任之人王臣子孫之徒結黨群居
 同惡相濟佞媚官人威凌百姓妨農奪業為蠹良深宜嚴
 檢括勤還本鄉情願留住便早編附一本早若有犯者不
 論蔭贖科違勅罪移配遠處土人容而不申官司知而不
 糾者亦與同罪者右大臣藤原良房宣奉勅件格年紀已久一本
紀作風威陵遲宜重下知嚴加檢括者頃年京貫人庶王
 臣子孫或就婚姻或遂農商居住外國業同土民既而凶
 黨相招橫行村里對捍宰吏威脅細民非唯妨國務抑亦
 傷風教左大臣源融宣奉勅宜加下知嚴令督察來年七月

以前言上其去留狀若頑很之徒猶犯不改則不論蔭贖
 移配遠處一如前符曾不寬宥百姓尚容忍官司不糾察
 論罪科斷亦如前符類聚三代格

⑩ 同年同月同日太政官符

應禁制外國百姓奸入京戶事

右齊衡二年三月十三日格傳延曆十九年十一月廿六
 日下民部省騰勅符傳都鄙之民賦役不同附除之事損
 益已異今聞外民挾奸競貫京畿非唯增口貪田實亦冒
 名假蔭如不改轍何絕詐偽自今以後一切禁斷者如聞
 外土之民奸附京畿多道課役無懷土心右大臣藤原良房宣

奉勅宜依延曆符嚴加禁止但有隱首色不獲已可附者
氏中長者覆審加署申所司所司申官待報符而後附帳
者年來外國百姓或賄小吏而貫京畿或賂戶頭而冒氏
姓即是格制雖存於前有司尚緩於後之所致也左大臣
源宣奉勅宜重下符勤加檢錄若戶主隱而為人所告有
融源宣奉勅宜重下符勤加檢錄若戶主隱而為人所告有
司忍而不勤督察依法科處不曾寬宥類聚三

① 同年十一月十九日太政官符

應復當年徭十日事

右太政官去十月十九日下諸道符稱今月八日詔書稱
其令天下州郡半減今年徭役者而或國宰等申云庸之

與徭各可半減者右大臣宜奉勅今案事意役兩字役上

徭字雖分為庸徭之由非無舊設設恐而獨號雜徭之意已

有成文須曾據嘉祥元年恩詔之例只免半徭不疑殆者

諸國宜承知依宜行之政事要略

② 同四年五月十五日太政官符

應禁止公私點領江河池沼等事

右江河池沼有便灌溉者尤斯農業之儲田畝備也如聞
內膳司進物所并官家諸人等或寄事供御固加禁制或
假名點地競立榜示至于農要用水之日壞堤決水徒失
潤澤論之公途理不可然大納言正三位兼行右近衛大

將源朝臣能有宣奉勅宜仰國司不論公私惣從禁止事
在利民不得隱忍類聚三代格

⑤ 同年 廿二日

太政官符五畿内七道諸國司

應免得六余内此恐有誤字更減半分去年田租事

右得近江國去年十一月廿三日解備檢案内太政官今年十月十九日下當道諸國符備依今月八日詔書令天下州郡半減今年田租國司四分損分更免一分大郡通計免五分狀下符諸郡既訖而今得郡司解備百姓等愁申免得之戶原云免作之見今意改須露恩詔例免之色不可通

計者國司伏加覆審原無審字今意增所請有理望請官裁早被

處分者左大臣宣奉勅依請諸國承知依宣行之政事要畧

⑥ 同五年五月十七日太政官符

應定諸國調庸未進徵率分法事

右太政官去寬平三年十月廿八日下民部省符備得彼省解備主計寮解備謹檢太政官去仁和四年七月廿三日符備得太宰大貳從四位上藤原朝臣保則解狀備調庸租稅國之大事其租稅者凡有徵率之例至于調庸未必有例重望準租稅徵率以為當時之務者左大臣源宣奉勅依請者今依符旨執端縱橫或云依公解本類為之

徵例或云計未進物數為其率分疑論兩端當有一定者
省依解狀謹請官裁者同宜宜準承和十三年八月十七
日格計未進之數每年徵十分之一而或國申請未進之
物觸色居多率分之數殆過年輸仍不堪徵納者大納言
正三位兼行左近衛大將皇太子傳陸奧出羽按察使源
朝臣能有宣奉勅政貴變通理當沿革事須自彼出格之
日每年令徵當年應輸十分之一封家未進準此類聚三代格
⑤同年七月乙酉重搜括陸奧出羽逋逃仕王臣家及流
寓京畿者還本鄉國史紀事本末引類聚三代格
按寬平九年七月十九日條可合攷蓋與此所載全

然同一而此所引作五年則或是方今所流布類聚
三代格有異同也然未知孰是非故今兩載以存疑
因以此條姑從國史紀事本末引
④同年十月廿一日一本作廿五日太政官符
應停止諸國擬任郡司遷拜他色事
右得近江國解備郡中百姓雖有數一本數上堪郡司者
不過一兩仍撰定其人差充調庸租稅等預或為舊年調
庸綱領未究預事或為當時租稅專當多有所負而稱任
諸國之吏號拜親王家司不勤公事專利私門非唯規避
一身之宿債抑亦騷動部內之百姓若不立斷制則彌紊

風教望請擬任郡司停止任內外官并補家令已下職謹
 請官裁者右大臣藤原良世宜奉勅依請自今以後擬任郡司
 隱匿其職被拜除者隨國司請即從解却諸國準此三代類聚
 格

⑤同六年二月廿二日太政官符

應準耕田數班舉正稅并有對押輩押恐即科其罪事
 右得紀伊國解俛檢案內此國調庸租稅年料雜米及例
 貢雜交易等色其數猥積遷代國司無力辨濟空過秩限
 遂為身煩伏尋由緒惣依民不堪躬耕沽却口分田也方
 今良田多歸富豪之門出舉徒給貧弊之民收納難濟官

物自失因斯前國吏等一本前上準量田疇之數班舉買

有承字

耕之人而或諸司官任雜任并良家子弟內外散位以下
 及諸院諸官王臣勢家人等多接部內領作田地至于班
 舉正稅偏恃官位及本主對捍國司曾無承引望請官裁
 不論土浪貴賤準耕田數段別五束以上班舉正稅若有
 對捍輩者勘收所營之獲稻填補不足之官稻以為懲肅
 曾不寬縱謹請官裁者中納言兼右近衛大將從三位行
 春宮大夫藤原朝臣時平宜奉勅依請若懲肅之後原無
依一猶不悛改京戶子弟及浪人者依寬平三年九月十
本補一日格勅還本鄉及移配遠處不復留住其當國人怙終

之者不論有官無職及院官勢家人錄名言上殊處重科諸國若有此類同亦準之類聚三代格

⑤同年六月一日太政官符

應同率神戸官戸課丁事

右得紀伊國解備檢案内官戸課丁少數常煩所司勘出尋由緒下有彼字官戸悉為神戸百姓之所致也何者

此國有封神社摠十一處所充封戸二百卅二烟可有正丁千二百七十六人此則依式每戸以五六人所率之數也而今神戸所領正丁之數或戸十五六人或戸二三十人官戸所有課丁之數或戸僅一二人或戸曾無課丁詳

檢其由神戸課役頗輕官戸輸貢尤重因斯脫彼重課入此輕役謹案式云戸以正丁五六人為一戸其神寺封丁若有增益者隨即減之死損者不須更加而國造并禰宜祝等寄事神祇曾無改正積慣之漸忽然難變望請不論神戸官戸摠計國內課丁每戸同率貫附并定之後并恐若有輒改替者尋其所由依法科罪謹請官裁者右大臣源宣依請類聚三代格

⑥同年七月十六日一本作廿六日太政官符

應禁止諸院諸官諸司諸家使等強雇往還船車人馬事

右得上總越後等國解俛得諸郡調綱郡司并雜掌綱丁等解俛進上調物以馱為本運漕官米以船為宗而上道之日前件諸院等使結黨路頭追妨馱馬率類津邊覆奪運船於是有心遂馬一本遂作逐無顧彼荷官物致欠失之煩綱領陷逗留之責加之部内百姓差預綱領之日若此惡逃竄他境國之弊亡莫過斯一本過下有於字望請下知路次諸國永休民愁謹請官裁者大納言正三位兼行左近衛大將皇太子傳陸奧出羽按察使源朝臣能有宜如此之事格制先立曾無懲肅責在國宰宜下知尾張參河遠江駿河近江美濃越前加賀能登件等諸國特施嚴制一切

禁斷若有強雇者準之強盜科罪其身者諸國承知榜示

路頭津邊莫令重然類聚三代格

同年八月四日太政官符

應依雜米未進斷罪國郡司返國司解由事

右左大臣源融奏狀俛日者大炊廩院數申無庫尋其由緒誠緣未進凡年料白米者以大稅利稻諸國春進一年應納万八千石而或年見納六七千石或年纔八九千石然則既欠三分之一何支百僚之用伏見格條寶龜元年四年四年下恐脫年字頻乘法制云乘恐垂諸國雜米未進數多既闕國用事須掾領已上專當其事史生以上充綱領送若有

未進無問多少國司史生已上皆奪公廨主典已上並即
貶考專當官者解却見任郡司主帳以上咸取職田解任
貶考亦同國司延曆十四年格云依少奪多事實不穩而
斛米足縮原斛作解今改一物未進偏稱格式悉奪公廨於事思
量深乖弘恕自今以後宜國司史生已上各作差法準未
進數割其公廨隨色辨備進納京庫據件等格隨未進誤
公廨誤字雖載延曆之格罪專當貶綱領尚存寶龜之制
今之所庶專當國司罪如始制綱領史生亦解却見任其
國司進解由之日知無未進及後收之者此恐有中納言誤字
兼右近衛大將從三位行春官大夫藤原朝臣時平宣奉

勅依請類聚符宜抄

⑤ 同年九月廿九日太政官符

應科責不勘正稅帳諸國司事

右得民部省解稱主稅寮解稱謹檢式稱進正稅帳者諸
國二月卅日太宰管内國嶋五月卅日以前者此誠所以
辨去年雜用知國內官物者也今諸國遠者卅年以下近
者五年以上或點而不進政事要畧或進而不勘因茲載
結解帳每年申送而依無科責猶致緩急吏替時移之後
一本吏纔勘去年帳雖勘出物其數千万而謂非當時只
作交事規避徒有勾勘之煩曾無填納之勞後任之吏慣其如

此寄言前司無心勤勘夫正稅者國家之資非常之備若有急用何得勘申望請殊立科條嚴誠將來者省依解狀謹請官裁者左大臣源融宣奉勅依請今須件帳一任之內或過時不進或雖進不勘之輩遷替之日雖進解由返却不收以懲後人唯依舊年欠猶未填納且請取返却帳之國論實是勘濟公文也雖無返抄理非可責假令未及勘當時之帳而勘濟前司公文八年以上者從政匪懈勤公可稱若有辨濟填納請取返抄四年以上者擢於等倫特加褒獎類聚三代格

⑤ 同年十月十四日官符主稅寮

應科責不勘正稅帳諸國司事

右被太政官去九月廿九日符傳省解傳得寮解傳謹檢式傳進正稅帳者諸國二月卅日太宰管内國嶋五月卅日以前者此誠所以辨去年雜用知國內官物者也今諸國遠者卅年以下近者五年以上或點而不進或進而不勘因茲載結解帳原無結字依三代格增每年申送而依無科責猶致緩急爰交替時移之後纔勘去年帳雖勘出物其數萬三代格萬而謂非當時只事規避徒有勾勘之煩曾無填納之勞遂則在任之間恣用公廩去職之日巧得解由後任人等慣其如此寄言前司無心勤勘方今年年勘帳

之國功過易顯。欠負難避。即知偏潭。此事所致之漸也。夫正稅者國家之資。非常之備。若有急用。據何勘申論之。公途事涉。踈漏望請。殊立科條。誠將來者。省依解狀。謹請官裁者。左大臣宜奉勅。依請者。今須件帳一任之內。或過時不進。或雖進不勘之輩。遷替之日。雖得解由。返却不收。將懲後人。唯依舊年。欠猶未填納。且請取返却帳之國論。實是勘濟公文也。雖無返抄。理非可責。若有辨濟填納。請取返抄。後之勤宜為功課。至于當任若所司勘。尤有理而不辨填者。怠在見任。不可優恕。又或國懈怠。不進公文。已歷十餘歲。或國僅進。原或作東。今意改。無意勘濟。亦過十箇年。既稱

未勘前年公文。何以分別後人功過。如是之類。見任國司。依實言上。二辨濟。此恐有誤脫。假令未及勘當時之帳。而勘濟前司公文。八年已上者。從政匪懈。勤公可稱。何依前年之急。更為當任之煩。省宜承知。依宣行者。察宜承知。依件勘之。原無承字。今意增。符到奉行。正六位上行少丞。紀朝臣常直。正六位上行大錄。秦已十經則。已十恐誤字。政事要畧引私記。
⑤ 同年十一月卅日。太政官符。
應斷未得解由。人所犯本罪事。
右檢交替式。未得解由。内外官人。犯用借貸。可依法斷罪。天長二年五月廿七日。條制已立。而垂制之後。寬縱不行。

實法禁料
四律卷五

官物減耗大概由斯今諸國不與解由狀所載負累彼此
不同或欠失千計物既入己或無實万數皆在民身尋其
犯過輕重相殊而俱拘解由不許叙用論之公途實乖折
中左大臣源宣奉勅宜仰諸司依式行之令彼負累之倫
自知廢耻之節者事須內外諸司所申不與解由狀勘解
由使勘判訖刑部省待使局送斷其犯罪然後更付使局
令奏其餘徵物舊祿等皆如舊例類聚三
代格

⑤同年同月同日太政官符

應禁斷諸國百姓稱王臣家人騷擾部內事
右舍人帳內資人外託仕官家一本官作一切禁斷去寬
官下同

平三年九月十一日新制已立下符之後未經年序而無
賴奸猾之類猶稱王臣家之人故縱異猛一本異不從國
郡侮慢牧宰騷擾所部誠雖猾民之濫惡抑又憲綱之寬
簡也不立嚴制皇威何張左大臣源宣奉勅重立法制以
絕暴惡者諸國承知舍人帳內資人以外若稱官家人好
濫惡者隨犯見決莫以寬宥如有蔭贖注狀言上不得阿
容類聚三
代格

⑥同七年三月廿三日太政官符

應禁斷王臣家出舉私物事
右檢天平九年九月廿一日格傳勅如聞臣家之稻貯蓄

憲法志料
四篇卷五
寬平
十八
詞法省

諸國貸與百姓求利交關百姓窮弊因斯彌甚實是國司
教諭違方使致於此朕其愍焉自今以後悉皆禁斷如有
違者以違勅論科罪其物沒官國郡官人即解見任者比
年如聞或王臣家出舉私物妨民業因茲租稅難收調庸
未進蠹民害政莫甚於斯而國司阿容曾不糾正為吏之
道何其然哉中納言兼左近衛大將從三位行東宮大夫
一本東藤原朝臣時平宣奉勅宜加下知一切禁遏若猶
作春違犯者沒物科罪一如先格類聚三
⑤同年七月十一日太政官符
應諸國交替所在見物先填正稅後取雜稻事

右官物之重正稅為本至於雜稻恰如枝葉而新任國宰
意要剩物交替之日所在見物先填往古無實雜稻之代
惣致當時出舉正稅之欠遷替之吏雖歎其非為求放還
合眼承引官物損耗莫不依此中納言兼右近衛大將從
三位行春宮大夫藤原朝臣時平宣奉勅自今以後所在
見物先割置正稅定數以其遺辨置色色雜稻類聚三
⑥同年九月廿七日太政官符
應禁斷郡司百姓私物假稱官家物并科責不受正稅
不輸田租之輩事
右得美濃國解俛凡諸國例分配郡司充租稅調庸專當

駢使土浪差進官雜物綱丁若有損失官物取預人私物填納其欠負而此國人心多巧只事奸欺至于欠失官物國司沒其私物臨欲運納官舍政事要畧舍作倉下同忽就官家假為寄進請其家牒送於當國或云是家之出舉物或云寄進借物之代或時懸札或時打抗如此違濫不可勝計國司詳知非家物為恐權勢擊目閉口是故官物已致未進國宰罹其負累國之難治莫大於斯焉望請元來無由稱家物者雖有家牒不更許容然則部內肅清官物全納謹請官裁者大納言正三位兼行左近衛大將皇太子傳民部卿陸奧出羽按察使源朝臣能有宣奉勅依請又如聞

諸司雜任以上王臣僕從之中居住部內業同編戶之輩或假威本主或寄事本司春給正稅則尔置官舍涉月不受秋徵田租亦爭運獲稻過期無輸如此之類不論土浪任理勘責不得許容若逆不順國郡之教喻事須具錄其本司本主急以言上隨事科罪國司忍而不言同加重責諸國準此類聚三代格

○同年十一月七日太政官符

應禁五位以上前司留住本任國并輒出畿外事

右案承和十五年五月十五日格傳得勘解由使解傳太政官去承和九年八月十五日下太宰府符傳大貳從四

位上藤原朝臣衛奏狀。俾交替務畢未得解由之徒寄事於格旨。留住管内常好農商一本好侵漁百姓巧為奸利之謀未觀填納之物望請交替畢吏早從入京者右大臣源宣奉勅依請者今檢太政官去弘仁十三年八月廿五日符俾右大臣藤原冬嗣宣奉勅諸國司等在任之吏只拘解由無意徵物去職之人自推難填不愁拘留官倉罄空職此之由今須交替之日犯用欠負損失之物隨即徵物役身勿更延引物填役畢乃聽放還者然則欠負之輩未得解由之間輒不可入京若為處分謹請官裁者同宣原按云第
五作左大臣源常者是奉勅宜停止後符依前行之但情樂留住

不填欠負所行乖憲為物所愁具狀言上隨即科處者中納言兼右近衛大將從三位行春宮大夫藤原朝臣時平宣奉勅夫五位以上資俸稍寬故不入無財之限役身折折恐處科豈同六位自今以後被申不與解由狀依承和九年格早從入京不得留住本國輒出畿外若有違犯者在官司具錄言上隨將科責類聚三
⑤同年十二月三日太政官符

應禁止五位以上及孫王輒出畿內事

右大納言正三位兼行左近衛大將皇太子傳民部卿陸奧出羽按察使源朝臣能有宣奉勅五位已上及孫王不

出畿外之制。先建憲章。從行尚矣。今如聞畿內百姓愁歎無極。公事私業。或失其勤。試遣使者略問部內。所申雖多。其尤甚者。權貴雜居。動為煩苦。宜禁止。件輩輒出。稍慰民意。唯高年送老之徒。痼病就醫之地。各量穩便。可有處分者。仍須七十以上。并宿病庭弱。或遂療治之便。或立終焉。謀者。申牒國司。依實修解。被報符後。聽任居住。國司若不據實處之。科責曾不寬宥。但山城國內。東至會坂。關南至山崎。與渡泉河等。北涯西至攝津丹波等。國堺北至大兄山。南面不在制限。大和國春日社。二月十一月。祭興福寺。三國忌齋會。同寺。十月維摩會。藥師寺。三月最勝會等。應

參氏人及散位諸司五位以上。其人有限。臨期直參。又諸人氏神多在畿內。每年二月四月十一月。何廢先祖之常祀。若有申請者。直下官宣。如此之類。往還有程。不得任意留連。經日遊蕩。其違越者。錄名言上。處違勅罪。類聚三代格。

同八年閏正月一日。太政官符。

應令先進門文檢納調庸并例進雜官物事。

右得讚岐國解。稱檢案內。調庸并例進雜物。依倉庫令。國明。注載進物色數。附綱丁等。各送所司。原。疊。各。字。依。一。本。今。削。此。號。門。文。須。任。門。文。全。進。納。而。頃。年。綱。丁。等。不。出。門。文。私。作。自。解。折。留。物。數。進。納。所。司。所。司。不。知。其。奸。隨。進。偏。

放日收其所折留皆充私用或自望官職充贖勞之料或偷買雜物求貨易之利綱丁之奸觸類多端望請仰檢納所司將絕綱丁奸但有稱非常漂失之類令進公驗隨狀被定者遣唐大使中納言從三位兼行左大辨春官權大夫侍從菅原朝臣道真宜依請諸國準此類聚三代格

④ 同年三月四日太政官符

應便割周防國田租穀充鑄錢料雜物直事

右參議從四位下右大辨兼行侍從播磨守源朝臣希奏狀稱謹檢案內鑄錢料物者備後周防長門伊與筑前豐前肥後等國所備送也其用途支度前後有二自弘仁十

三年至于天長五年年別以三千五百貫為限自天長六年至于承和元年以一萬一千貫為限定此數之日支度用物課所出國令交易進其後依銅鉛難採減省前後數以三千五百貫定為年料須隨其程減定用途而只減錢數不省料物然而諸國收宰動致闕急猶無究納年料之錢不由鑄備因茲年來之貢不過五六百貫是則纔以周防一國所送之物所鑄造也伏望者自今以後停止件七箇國交易割彼國納官租穀六千九百九斛九斗二升內為鑄錢料雜物直其應用白米黑米春塩蒜絹庸布商布調綿庸綿鹿皮牛革油錢整砥採藁紙墨筆薦苜稻等之

雜物直一本錢作準穎二萬六千九百七十九束四分二毫相折猶遺穀四千二百十二斛二升五合然則雖有損年猶可以足矣況無損年寧無餘剩乎但彼諸國交易雜物直稻除銅鉛料之外每年為糙附帳言上者大納言正三位兼行左近衛大將皇太子傅民部卿陸奧出羽按察使源朝臣能有宣奉勅依奏類聚三代格

④ 同年四月二日太政官符

應禁斷諸院諸官王臣家相代百姓爭訟田宅資財事右問山城國民苦使正五位下守左中辨平朝臣季長奏狀稱得諸郡司解狀稱諸院諸官及諸王臣家或爭百姓

戶田或奪浮浪財物不據國宰無牒郡司闖入部內遞相壓略專擅威權不辨理非田園因斯荒廢財產為之空竭望請裁許被停止者伏檢案内訴訟皆從下始若有越訴法設科條今愚昧百姓不悟此理告人囑請甲官而乘威前人媚託乙家以挾勢國郡官司無力禁止望請自今以後相爭財物田宅之輩假勢王臣不由國郡者不限土浪不論蔭贖決杖一百所爭之物皆悉沒官諸院諸官王臣家許容者別當并家司科違勅罪如此則窮民再蘇勢家弭害謹勒申聞伏請處分者大納言正三位兼行左近衛大將皇太子傅民部卿陸奧出羽按察使源朝臣能有宣

奉勅依請諸國準此類聚三代格

⑤ 同年同月同日太政官符

應禁止五位已上私營田事

右如聞權貴之家乘勢挾威稱莊家之側近則妨平民之田地或賣買不和點領三四十町或寄事負累責取五六載券至于收租拒捍不輸賦稅由之不入國司為之多煩夫五位已上冠蓋既貴委寄不輕自有代耕之祿何貪載畝之利仍須諸宮王臣家及五位已上除莊田品位職田之外一切不聽耕種假令百姓賣買口分田五位已上賃租職位田者皆經國郡司依法立券徵租之日令有指的

若有乖越者科違勅罪莊預等假事本主濫致違犯者不論陰贖決杖一百國郡阿容處之重科□大納言正三位兼行左近衛大將皇太子傅民部卿陸奧出羽按察使源朝臣能有宣奉勅宜依件行之類聚三代格

⑥ 同年同月同日太政官符

應改定判給占荒田并閑地之例事

右問山城國民苦使正五位下守左中辨平朝臣季長奏狀稱得諸郡司解狀稱諸鄉百姓等諸荒田閑地依格耕食厥後諸院諸宮王臣家稱三年不耕之地牒送國司改請件田國司被拘格文依請改判諸家領掌不論荒廢勘

其地利郡司等伏檢案内百姓請一町田地開墾三四段
身貧力微不能悉耕偏稱格制改給後人百姓之愁寔有
可恤望請使裁早被糾正者伏檢田令云公私田荒廢三
年以上有能借佃者經官司判借之私田三年還主公田
六年還官天長元年八月廿日格云有常荒田百姓耕作
一身之間聽其耕食天平十五年五月廿七日格云受地
之後至于三年本主不開聽他人開墾據此等文諸家重
請國司改判非無理致今案考課令云國郡司勸課田農
能使豐殖者準見地為十分論加二分各進考一等者望
請因準此令百姓請地一町開闢二段者雖不悉墾不更

改判如此則民無失業人有勤農伏請處分者大納言正
三位兼行左近衛大將皇太子傅民部卿陸奧出羽按察
使源朝臣能有宣奉勅依請諸國準此類聚三代格

⑤ 同年同月同日太政官符

應停止諸寺稱採材山四至切勘居住百姓事

右問山城國民苦使正五位下守左中辨平朝臣季長奏
狀稱得相樂郡司解稱諸鄉百姓愁狀稱東大元興大安
興福寺等採材木山在泉河邊或五六百町或一千餘町
東連伊賀南接大和今大川原有市鹿鷲等鄉百姓口分
并治田家地多在此山中因茲人民之居各逐水草瀕河

披山群居雜處子子孫孫相承居住推其年紀及百餘歲前件諸寺從來無勘地子而元興寺自仁和初勘其地子興福寺亦習此例勘責尤切望請使裁早被免除者使開檢田圖所申不虛既有口分何無居宅凡所以寄山林於諸寺者為是採用修理料材曾非妨遏百姓田地望請停止諸寺新勘家地地子禁制百姓恣伐山中樹木元來注寺田不在此限如此則三寶得興隆之便萬民懷安堵之心謹請處分者大納言正三位兼行左近衛太將皇太子傳民部卿陸奧出羽按察使源朝臣能有宣奉勅依請其四畿內若有斯類亦宜準此代類聚三

○同年同月十三日太政官符

應許耕作鴨河堤邊東西水陸田廿二町百九十五步事

右問山城國民苦使正五位下守左中辨平朝臣季長奏狀稱得愛宕郡司解備錦部鄉百姓等愁狀稱前件田是已等口分事具圖籍貞觀十三年有下符禁制堤東西田件口分從天長年中領來稍久為堤無害仍國司不加禁遏而寬平五年檢非違使稱有宣旨不許耕作其所營獲稻皆勘收防河所自後不得開墾望請使裁被許耕作者伏檢貞觀符云除公田之外皆悉禁遏無復令營縱雖公

田為堤可成害者莫令復耕作者寬平宣旨云一切禁止
勘納獲稻者官符宣旨事議兩端未知一從加以既責調
徭抑止口分百姓之愁寔有可恤望請使與國司共加實
檢為堤有害者別勅言上將給其替引水無妨者任令耕
營濟其徭調謹請處分者大納言正三位兼行左近衛大
將皇太子傅民部卿陸奧出羽按察使源朝臣能有宣奉
勅依請者仍使與國司臨地勘定如右但諸家并百姓墾
田多在堤西皆用中河水今加實檢須聽開墾何者件等
田以堤西中河水灌溉之不可為堤防之害又龍畝與百
姓口分交錯縱雖不耕而不可為放牧之地但三條路以

南有荒廢私田五六町曾無百姓口分然則件田當致放
牧之煩者遣唐大使中納言從三位兼行左大辨春官權
大夫侍從管原朝臣道真宣奉勅依奏類聚三代格
同年六月廿八日太政官符

應勘却不受調庸惣返抄國司解由事

右太政官去仁和四年七月廿三日下五畿內七道諸國
符傳國司進解由之日若有任中調庸雜物未進者返却
解由令慎將來者而諸國或偏進調庸二色未必責例進
雜物或僅勤納官料一本及政事要畧料下有物字遂無勞封家調庸如
是之漸積習成常論之政途理不可然大納言正三位兼

行左近衛大將皇太子傅民部卿陸奥出羽按察使源朝臣能有宣奉勅不受任中調庸愆返抄諸國官長解由自今以後宜從返却原無宜字依一本但前司任終年返抄者政事要略終依寬平二年原二作三依一本九月十五日符政事要略符令後任之吏辨濟受取代類聚三

④同年九月五日太政官符

應依舊遷替吏隨填交替欠差分原無欠字放解由事依一本補右得駿河國解備太政官去年七月十一日符備任用之吏政無自由而其不與解由狀載國中前後諸未辨濟事詳檢事意曾無公益中納言兼右近衛大將從三位行春

官大夫藤原朝臣時平宣奉勅自今以後宜諸國任用之吏被申不與解由狀只令載其預事及身犯但至犯用官物則一人有犯餘官同坐仍如格式又受領卒死之間任用行事若有借判署一本借上犯用之色者後司進實錄帳之日不待犯人解退細錄其狀直以申官其待裁之間莫預釐務者謹案交替式云任中未納雜官稻觸色有數國司史生以上共作差法各填己分且給解由者又廐庫律云財物安置不如法若曝涼不以時致損敗者計所損敗坐賊論減二等注云皆以官長為首以下節級為從者又云舊說云國司郡司共科同罪其備償之法中分其物

半分國守以下作差填之。半分郡領以下作差填之者。今如官符任用之吏。非有預事及身犯者。皆可與解由。至于未納官稻損敗財物。惣可負官長一人。若所負數多。則填進無期。官物自失望。請前後未辨濟事。依新制而可免。多少交替。欠物存舊典。以不改。然則奸避之輩。自絕官物之損。無有。謹請官裁者。左大臣藤原良世宣奉。勅依請諸國。準此類聚三

代格 同年同月十九日。太政官符七道諸國司。

應科責任終年調庸未徵符司事符恐前

右得哉前國解越哉恐檢下太政官去寬平二年九月十五

日下五畿內七道諸國符。格出之後。順法者少。加以諸國司等申請稠疊。斯即緣時俗彫弊。人民難任也。為政之道。事尚寬賒。施令之本。宜存必濟。今須任終年調庸未進。令後任吏辨進。雖未取返抄。而莫致物累。但據式貢調使者。物之與帳。同領入京。不得先後零疊。然則雖辨濟未進。寔在後司。而催發調物事。屬當時。若寄事後人。專闕乃貢者。加其科責。一如前符。謹案格旨。凡謂令後任吏辨進者。前司徵貢之物。後任究成其務之意也。又謂寄事後人。專闕乃貢。加其科責。一如前符者。此下恐有脫文。又大同二年言違期未進。寄罪之格。其文明矣。而或前司至于任終時。新任

人徒過徵納之限遂違貢進之期交替之日分付之時不
備實物無定綱領新司雖注不與前司解由狀言上原疊
二字而更被拘後更可辨進之格官物逐年次第輸貢今
之新任者後之前司也前科後分國司共徵一身兩役百
姓何堪望請有前司不勘徵任終年調庸而致無實者專
任法條將被科責然則致緩急者且□罪科專守公平者
彌增激勵者遣唐大使中納言從三位兼行民部卿左大
辨春宮權大夫侍從管原朝臣道真宣奉勅凡違期未進
之急隨其形迹據大同格原大改莫宥前司唯辨濟究
成之勤彼功請從寬符須委新任并或新司作見前司少

許未進依無他累適與彼功以下恐待新吏之可究不責
前司之有急自今已後宜為永例五畿內七道諸國亦宜
準此者諸國承知依宣行之符到奉行政事
同年十一月廿日太政官符七道諸國司
應四度公文使違期不上道者不待所司勘申解却見
任事
右得駿河國解備被民部省去寬平六年十月十四日符
備太政官去九月廿九日符備得省解備主稅察解備進
正稅者諸國二月卅日者今諸國遠者廿年已下近者五
年以上或默而不進或進而不勘望請殊立科條嚴誠將

來者左大臣宣奉勅依請者今須件帳一任之內或過時不進或雖進不勘之輩遷替之日雖得解由返却不收者謹案式條四度公文進官之程各立期月收宰之勤曾無懈緩而件使等左右奸避動致違期今雖新制彌重責在長官而至奉使之入更無罪法望請使人無故不上道之輩須依實勘定具狀言上不待所司勘申將被解却見任然則人心頗慎公文無擁仍去年九月十四日已畢而未蒙裁下重請早蒙官裁令勤公事者遣唐大使中納言從三位兼行民部卿左大辨春宮權大夫侍從菅原朝臣道真宣奉勅依請五畿內七道諸國承知依宣行之符到奉

行政事
要畧

同九年四月十九日太政官符
應立拘放諸國任用吏解由例事

右勘解由使奏狀稱謹檢太政官去寬平七年七月十一日符稱諸國任用之吏被申不與解由狀只令載其預事及身犯但至犯用官物則一人有犯餘官同坐仍如格式者又去年九月五日符稱得駿河國解稱今如官符任用之吏非有預事及身犯者皆可與解由至于未納官稻損敗財物可負官長一人一本此下有若所負數多填進無期官物自失十三字望請前後未辨濟事依新制而可免多少交替欠物存舊典以

不改

一本此下有然則姦避之輩謹請官裁者右大臣宜

奉勅依請諸國準此者謹案交替式致調庸雜米未進一本

米作燒亡官物官舍器仗破損者奪國守以下公廨調庸

麤惡違期者亦長官以下節級抵坐然則除預事身犯一

人有犯餘官同坐填交替欠差分之外猶有此累載式之

事或存式停式停之式至于拘放當致疑殆又貞觀十四

年七月廿九日格云所欠之物相共填納所坐之罪獨科

其身者而新格云一人有犯餘官同坐仍如格式者交替

式與貞觀格其趣是殊而今如格式當有一定若為處分

者同宜奉勅前後之格指歸不同雖多變改未究情實何

則雖延曆立犯用餘官同坐之格與貞觀有欠物共填罪

科犯人之符至于寬平七年不詳改張之由更引延曆之

符今須復貞觀格行之不可依寬平符坐之加以出舉收

納計帳朝集之政非獨長官之所行皆遣僚下分頭巡檢

租稅雜米官舍驛家之類不是受領之自為各差任用為

之專當粗舉大綱自餘可知然則一為專當之官預分頭

之務四度公文難避失錯一國雜急豈得免脫況乎在任

之日既得公廨秩滿之時何許負累而寬平七年符唯舉

預事與身犯同八年格偏指交替之欠負調庸雜米未立

其制為政之道理不合然今須若申不與解由狀者注載

雜急勘留公廨一如前例若與解由者唯令所司勘申奉
使專當急一本當下何則與解由時尋其關急勘沒公廨
徵用私物至于不取返抄不勘公文則急在長官責非任
用故也原疊私物以下二立此一例以明受領任用之別
類聚三十一字依一本削

同月同日

太政官符南海道諸國司

應立令後司辨濟前司時雜急條例事

一國分二寺神社官舍驛家地堰戎具器仗條

右勘解由使奏狀併謹檢仁和四年七月廿三日格併得

太宰大貳從四位上藤原朝臣保則解併管内諸國調庸
未進租稅未納及所司勘出種種雜急觸類繁多前司分
付之日具注不與解由狀言上勘解由使勘判云前司後
任相共辨濟待了放還者而諸國凋殘百姓衰弊當時庶
務尚難營辦往年雜急何暇究成望請諸國司若有任中
雜務辨濟無闕者特寬以往之急勿令拘絆其身者右大
臣宣奉勅依請自餘諸國亦宜準此者今謹案交替式云
勘解由使起請併弘仁四年九月廿三日騰勅符併諸國
官舍正倉器仗等隨破損修理各立條制交替之日檢校
破損載不與解由狀言上舊人者緣無其勢不堪修造新

司者稱非已怠弃而不顧。稍經年月，彌致大損。自今以後，交替之日，所有破損，宜令後任早加修造。其料者作差割留前司主典已上，公廩充之。如無公廩者，徵用私物者，望請中破以上隨格徵料。小損之色，後任以徭修理者，又同式云。勘解由使起請，俾諸國驛家例多破損，國郡怠慢，曾不修理。自今以後，如有損失，前人造了，然後放還者，檢諸國，不與解由狀。甲時破損，乙時不作。至於丙丁，猶稱前損，是則不立程限之所為也。望請前司修造，不改前格。新吏催督更施新制，仍須言上不與解由狀之後，若不令任中造了者，得替之日，拘留解由者，如此式者，前司之所怠後

任必可濟。而據仁和格件式，停廢今檢諸國言上不與前司解由狀。官舍驛家器仗戎具破損無實之色，多少雖殊，無國不有。凡仁和格出之後，官物失者衆矣。何者無實者，惣負前司無煩後任破損者，無所轉付，誰能辨濟。如此之事，若為處分者，中納言兼左近衛大將從三位行春宮大夫藤原朝臣時平宣奉勅前件雜怠載不與前司解由狀言上。厥後舊人無勢修理，新司弃而不顧，彼此不勤，誰能濟事。仍承和八年十月十九日，頻下嚴制。甲時破損，乙時不修，拘其解由，以懲將來。然而徒有科責之名，曾無辨濟之實。何則弘仁格，俾中破以上前司輸料，後任修理。承和

符傳前司破損後吏修理爰後任依格徵料前司曾無填進既無料物何以修理今須言上不與解由狀後新司具注支度申請正稅若無正稅不動穀者省除不急之例用修造有要之官舍不得替延以致倍損莫必待不與狀之報符徵官物之日限縱新司修理辨濟無闕若前司不輸料物猶拘解由政事要畧

○同年五月十三日太政官符

應開見不動倉事

右得山城國解傳檢案內太政官去寬平七年七月十日下午五畿內七道諸國符傳交替式云國司交替之時依不

動物多煩自今以後彼鉤進官但應修理其倉及疑有兩損臨時請鉤新案云不動之物理合竿勘自非開見何知積高須每當交替請其鉤匙者牧宰偏依新案好開不動或亦任意無請鉤匙論之政途未為允適中納言兼左近衛大將從三位行春宮大夫藤原朝臣時平宣奉勅政有沿革隨時弛張自今以後專如先式者今檢此符事有不盡何則竿勘不動者必據丈尺積高其高廣之與丈尺在外易知積高之與塞基在內難辨已無開檢何以竿勘望請改前件符一依交替式新案行之謹請官裁者遣唐大使中納言從三位兼行民部卿左大辨春宮權大夫侍從

憲法志 四篇卷五

菅原朝臣宣奉勅依請諸國準此代類聚三代格

同月廿六日太政官符

應催殖桑漆事

右去大同二年正月廿日格傳東海道觀察使從三位行式部卿藤原朝臣葛野麻呂奏傳桑漆之課具載令條易殖易生漆乃成林至于採用公私由之然國郡官司不務催植既致闕乏謹案天平二年五月六日格傳諸國所進桑漆等帳或因循舊案但改年紀或虛作增減與實不同自今以後嚴加捉搦依令植滿每年巡檢實錄申之如遣使勘會與實不同者國司必加貶責郡司解却見任自今

以後永為恒例者然猶積習生常狎法無峻望請下知當道交替分附若不填數者拘留解由以懲不填其貶責解任一依先格者右大臣宣奉勅依奏自餘諸國亦同準此者如聞諸國空進其帳無植其實者此格已久緩急之漸須日格升責以懲將來日恐因升恐科然而積習久率爾難改遣唐使中納言從三位兼行民部卿春宮權大夫侍從菅原朝臣道真宣奉勅重下知勤催植者諸國承知依宣行之仍須桑之與漆隨戶上下依令植填巡省實錄明年之內言上其由若不慎符旨重被緩急被恐致責如先格曾不寬宥政事要畧

憲法志

四篇卷五

寬平

三十七

司去旨

同一年六月十九日太政官符
應先勘當任公文次勘前司時帳并科責不勘四度公文府司及管内國嶋司事

一用度帳調帳條

右參議從四位下守右大辨兼行侍從播磨守源朝臣希奏狀。備太宰府用度帳者。所以總計管内之調庸。勘注用度之多少也。進官留府之色。以之分明。見納未納未進之數。由其易辨。而頃年緩急不進件帳。望請下知府司。暫停勘前年帳。先令勘當任帳。其不進公文不勘勘辨之吏。科責之法。伏請處分。但舊年之帳。非可點弄。

若以舊帳猶付後吏。還恐為勞。前年之事。更成當任之怠。重望特令所司長官專當其事。不待使雜掌。直令勘申。每至勘畢。所所字恐行。令當時之使。加其署名。至于未到之帳。不更差使雜掌。別附單使。急速令進官管國調帳。同亦準此者。中納言兼左近衛大將從三位行春宮大夫藤原朝臣時平。宜奉勅用度帳。可勘濟之旨。雖齊衡三年格條具存。而未立懲責怠慢之科。今須府司不勘任中帳者。返却官帳解由。但勘公文例。據前年帳勘後年帳。若以未勘帳之遺。加當時帳之類。則脫漏增減。當致物疑。須其未勘之由。詳注載彼帳。即勘舊帳之日。若

有勘出者直加徵新帳又勘舊年帳者雖所司長官專當而猶差雜掌一人令勘申數年帳其勘濟調帳亦同此例但諸國之帳依例進府而府司替延不事進官尋其期狀一本本期作情獨罪府司自餘一依來奏

一稅帳大帳朝集帳條
右同前奏狀稱伏檢案內太宰府納管內公文之後更差使雜掌進官即令府雜掌辨申日向大隅薩摩壹岐對馬等三國二島公文亦令國宰辨申六國公文但朝集公文者總令府雜掌辨申而今或國勘齊衡帳不及天安或國勘貞觀帳未至元慶因茲勘出之物經年難

知辨濟之人其名誰尋

原其名作名誰依一本改

謹案太政官去寬

平六年九月廿九日符前司公文只令勘濟八年以上爰遠者五十年近者二三年之後僅可以到當任之帳勘畢之程甚為遼遠或物會恩赦而被免或人依亡沒而無償加以四度公文共是要須而總以懈怠不勞勘濟科責之法謹俟處分者同宣奉勅件等帳勘濟之事一準用度帳調帳等之例若有不勘者扣留府國長官解由但不勘朝集公文者原無勘字依一本補奪公廨四分之

以前條事如右宜依件行之

類聚三代格

應搜括逃人還向本鄉事

右得陸奥國解備檢案内被太政官去天應二年閏正月廿六日下左右京職符備陸奥出羽人在京者不別雜色皆還本鄉寔是豐邊戍備外禦之術也此事中停不用有自興言於今理尤可行職宜承知自今以後兩國人任王臣家□及浮宕京内能加搜括隨得且申若有脫漏及相匿者不論多少科違勅罪者今此國部内曠遠戶口希少巡檢部内邑無居人尋求其由為避課役逃入他鄉若加搜括必得來集望請殊蒙官裁因準故實下符京畿七道

依數搜括其來還者厚加優復繼其產業然則邊戍無乏荒田還開者大納言正三位兼行左近衛大將皇太子傳陸奥出羽按察使源朝臣能有宣奉勅依請若不慎符旨令隱住閭里者重加譴責一如先符類聚三代格

寬平五年七月乙酉條可合攷

同十年二月廿七日太政官符

應任終年雜米檢返抄一本應下有前司二字令後司辨請事右得備中國解備檢案内年料稅春米以當年所春號米年料載在格條然則至于米色年中辨究無有殊妨但大炊寮生大豆小豆色色雜穀大膳職醬大豆及諸司租春

大糧等皆亦載雜米抄帳之中而今上件雜穀等當年收納之後以正稅所交易也租春大糧又春備米實官符到所充行也事自參差不能年中究畢於是秩限已滿國司去任更以何力辨濟件務加以雜米抄帳無有勘合稅帳其當年稅帳進官之期在明年二月然則勾勘之官又年中不能勘抄帳放返抄望請前司任終年雜米雜穀前司依數進納令後任人辨請返抄謹請官裁者大納言正三位兼行左近衛大將藤原朝臣時平宣奉勅依請自餘諸國亦宜準此類聚三代格

憲法志料四篇卷五終

大久保好伴校

皇清志林四高卷五

大久和物集

皇清志林四高卷五
大久和物集
卷五

